



Publicaziuns dalla vischnaunca, jamna 04

Damonda da baghegiar

2023-1005.000

Datum dalla publicaziun: 27 da schaner 2023

Il patrun: STWEG Parz. 1747 Faltscharidas, Via Faltscharidas 6, 7180 Disentis/Mustér
Il representant: Hassler Energia Alternativa AG, Resgia 13, 7432 Zillis
Intenziun: Niev cundrez fotovoltaic sil tetg plat
Edifeci nr. 595A
Parcella: 1747
Adressa: Via Faltscharidas 6, 7180 Disentis/Mustér
Zona: Zona dil vitg engrondida (VE)
Zona da prighel: Negina

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 27 da schaner 2023

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau il suandont project:

Nr. 2023-2003.000

Martin Quinter-Schwarz, Via Alpsu 24, 7180 Disentis/Mustér; remplazzament dallas finiastras, parcella 532, Via Alpsu 24, 7180 Disentis/Mustér.

Disentis/Mustér, ils 27 da schaner 2023

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 27 da schaner 2023**, allas 2015 en halla Cons.

Tractandas:

1. Protocol 19-2021/2024
2. Saramentaziun dil niev cusseglier da vischnaunca
3. Construcziun d'in «Pumppark»: Damonda da credit (messadi 31-2021/2024)
4. Concept «augmentar l'attractivdad dil vitg» (messadi 32-2021/2024)
5. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca



Referendum facultativ

Il 9 da december 2022 ha il cussegl da vischnaunca approbau unanimamein la lescha pil manteniment dallas ovras da meglieraziun e d'ual. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala. La lescha e l'ordinaziun tier la lescha pil manteniment e diever dallas ovras da meglieraziun e d'ual passa cuagl **1. da fevrer 2023** en vigur e remplazza il reglament da traffic digl onn 2011. La lescha pil manteniment e diever dallas ovras da meglieraziun e d'ual ed il regulativ leutier sco era las ulteriuras legislaziuns communalas ein publicai sin www.disentis.ch - Downloads - Leschas.

Suprastonza communal

Giuventetgna s'entaupa culla suprastonza communal

La giuventetgna dalla vischnaunca da Mustér s'entaupa **sonda, ils 28 da schaner 2023** allas 17.00 cun la suprastonza communal en halla Cons. Ei dat ina discussiun davart la participaziun dalla giuventetgna en vischnaunca ed ina tscheina comunabla. A quella discussiun ein tut ils giuvenils denter 16 e 30 onns cordialmein envidai.

Annunzias prendin bugen encunter entochen mesjamna, ils 25 da schaner 2023 sut tcadruvi@disentis.ch ni 081 920 36 36.

Suprastonza communal

Alarm d'emprova 2023

Tenor comunicaziun digl Uffeci da militar e da protecziun civila dil Grischun ha liug en l'entira Svizra **mesjamna, igl 1. da fevrer 2023, allas 13.30/13.45 alarm general, allas 14.15/15.00 alarm d'aua**. Ei setracta d'alarms d'emprova tier ils quals ei vegn examinau d'ina vart sche las sirenas funcziuneschan e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal «alarm general» ha in tun che crescha e sbassa e che cuoza ina minuta. Aschinavon ch'il signal «alarm general» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar radio, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15 ed allas 15.00. In tun bass da mintgamai 20 secundas en intervals da 10 secundas. Aschinavon ch'il signal «alarm d'aua» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau. Dils plans cul territori periclitau sa vegnir priu investa tier l'administraziun communal.

Ulteriuras indicaziuns e reglas ein d'anflar sin teletext, pagina 680 ed era egl internet www.sirenentest.ch.

Bien engraziament per Vossa capientscha.

Suprastonza communal Disentis/Mustér



Cartas da viagiàr dil di

Informaziun davart sistida

Las Viasfier federalas svizras vegnan naven dils 1-1-2024 buca a cuntinuar cun la vendita dallas cartas da viagiàr dil di per vischnauncas ella fuorma dils davos onns. Co ina semeglionta purschida vegn a veser ora en detagl naven da 2024 ei aunc buca enconuschent. Igl abbonament dalla vischnaunca da Mustér per las duas cartas da viagiàr dil di scada cun la fin da mars 2023 ed igl ei buca pusseivel da prolungir igl abbonament sulettamein pils nov meins restonts entochen la fin 2023. Per garantir la purschida stuess la vischnaunca acquistar in abbonament pigl entir 2023, quei che caschunass in deficit da plirs mellis francs. Sebasond sin quella situaziun ha la direcziun communal decidiu da sistir naven dils **1-4-2023** la vendita dallas cartas da viagiàr dil di. Cura che las cundiziuns e la fuorma d'ina semeglionta carta da viagiàr naven digl onn 2024 ein enconuschent, vegn eventualmein decidiu da cuntinuar cun la purschida.

Bien engraziament per l'enconuschientscha e capientscha.

Direcziun communal

Martin Tomaschett prelegia ord siu cudisch davart la medischina en muntogna

Mesjamna, igl 1. da fevrer 2023 prelegia Martin Tomaschett ord siu cudisch «Dalla scienza da liquids entochen la medischina moderna 1850–2020. La tgira medicinala en ina regiun da muntogna el decuors dil temps.» La prelecziun ha liug allas 19.30 ella sala da dertgira ella Casa cumin a Mustér (entrada spel restaurant Stiva grischuna). Entrada libra, collecta. La prelecziun vegn arranschada da La Culturella ed il Form intercultural Mustér.

Invitaziun Seniora-Ca

Gievgia, ils 2 da fevrer 2023 allas 13.45 en Puntreis.

Tema: «Saver viver autonom/sur sesez a casa.» - Ina tematica che fatschenta nus tuts/tuttas, specialmein naven da 60 onns ensi! Il president dil cussegl da seniors dil Cantun grischun, Silvio Albin, informescha e presenta il project en plaid e maletg. Vegni, tedlei e sediscussionei sur dallas pusseivladads e sfidas.

Preavis: Gievgia, ils 16 da fevrer 2023 - era nus festivein gievgia grassa - invitaziun suonda.

Cordial beinvegni Team Seniora-Ca

Meisa da miezdi organisada da Seniora-Ca e Puntreis

Entschatta: allas 12.15 en l'Ustria Puntreis. Gentar cun treis tratgas inclusiv aua dalla spina ed 1 caffè. Annunzia entochen allas 9.00 dil di alla Puntreis (tel. 081 929 56 56). La meisa da miezdi ei aviarta per mintgin/a.

Post d'informaziun Seniora-Ca